

Cov Tshuaj Txhaj Tiv Thaiiv Kab Mob Uas Tau Pom Zoo Siv Rau Cov Muaj Hnub Nyooog 11-12 Xyoos: Yam Cov Niam Txiv Tsim Nyog Paub

(Vaccines Recommended at Ages 11-12: What Parents Should Know)



Cov tshuaj txhaj tiv thaiiv kab mob tsis yog rau cov me nyuam me xwb. Qee cov tshuaj txhaj tiv thaiiv kab mob uas cov me nyuam me tau txais tuaj yeem yuav tsuag zuj zus lawm thaum cov me nyuam loj lawm. Thaum cov me nyuam loj lawm tej zaum lawv yuav los nphav raug kab mob ntau tshaj li thaum lawv tseem yog me nyuam me. Nws muaj ntau cov tshuaj tiv thaiiv kab mob uas tuaj yeem pab pov thaiiv tau koj cov me nyuam pib nto hluas los sis cov nyuam hluas los ntawm cov kab mob no.

Cov tshuaj txhaj tiv thaiiv kab mob dab tsi kuv tus me nyuam tsim nyog siv?

- ◆ Tshuaj txhaj tiv thaiiv kab mob Tdap: Qhov pab pov thaiiv txuas mus ntxiv rau mob voos, mob nqaij lwj thiab mob ntsws (hnoos qhuav).
- ◆ Tshuaj txhaj tiv thaiiv kab mob Quadrivalent meningococcal conjugate (MCV4) (meningococcal ACWY): Yam tshuaj txhaj tiv thaiiv kab mob no pov thaiiv tawm tsam kev kis kab mob los ntawm kab mob *Neisseria meningitidis* nyob npuab cov paj hlwb, cos txha nqaj qaum, thiab hauv ntshav. Cov pib nto hluas tsim nyog tau txais thawj koob tshuaj tiv thaiiv thaum lawv muaj 11 los sis 12 xyoos thiab ib koob txhawb ntxiv thaum muaj 16 xyoo.
- ◆ Tshuaj txhaj tiv thaiiv kab mob Human papillomavirus (HPV): Yam tshuaj txhaj tiv thaiiv kab mob no pov thaiiv qee cov npaj ua mob qog noj ntshav thiab cov mob qog noj ntshav cuam tshuam HPV (Mob Pob Cos). Cov pib nto hluas tsim nyog tau txais ob koob ua ntej muaj 13 xyoo.
- ◆ Tshuaj txhaj tiv thaiiv kab mob khaub thuas txhaj ib xyoos ib lwm: Pov thaiiv tawm tsam kev ua mob thiab kev kis kab mob khaub thuas.
- ◆ Tshuaj txhaj tiv thaiiv kab mob COVID-19: Txhaj koob tshuaj pab txhawb ntxiv tiv thaiiv kab mob COVID-19 tshiab yuav pab pov thaiiv tau kev ua mob los ntawm COVID-19 .

Thaum twg kuv tus me nyuam yuav tau txhaj?

- ◆ Ncuaj sij hawm mus ntsuam xyuas kev noj qab haus huv ib xyoos ib lwm. Nug koj tus kws kho mob los sis kws tu neeg mob txhua xyoo seb puas muaj cov tshuaj txhaj tiv thaiiv kab mob uas koj tus me nyuam yuav tau siv.
- ◆ Nyob ntawm qhov chaw ntsuam xyuas ib ce rau ua kis las, kawm ntawv los sis chaw pw pem hav zoov.

Dab tsi ntxiv kuv tsim nyog paub txog ntawm cov tshuaj txhaj tiv thaiiv kab mob?

- ◆ Cov tshuaj txhaj tiv thaiiv kab mob yeej tau txais kev ua zoo tshawb fawb lawm los ntawm ntau cov kev sim kho mob kom ntaus nqi tau kev nyab xeeb thiab seb nws siv tau zoo npaum cas ua ntej nws yuav raug siv rau zej tsoom neeg. Tab txawm tias tom qab lawv muaj ntawv tso cai siv rau zej tsoom neeg siv lawm los, cov kws tshawb fawb tseem soj saib mus ntxiv hais txog kev nyab xeeb ntawm cov tshuaj txhaj tiv thaiiv kab mob.
- ◆ Cov kev fab tshuaj feem ntau los ntawm cov tshuaj txhaj tiv thaiiv kab mob muaj xws li mob qhov chaw txhaj tshuaj me ntsis thiab nws mam zoo nws sai xwb. Cov kev fab tshuaj loj los ntawm cov tshuaj txhaj tiv thaiiv kab mob kuj muaj tsawg.
- ◆ Nws yog ib yam tseem ceeb los qhia rau tus kws kho mob los sis tus kws tu neeg mob yog tias koj tus me nyuam muaj kev fab tshuaj loj, suav nrog rau kev fab yam ua mov, yaj muaj txab, los sis qe qaib, ua ntej lawv yuav txhaj cov tshuaj tiv thaiiv kab mob.
- ◆ Yog koj muaj lus nug, sib tham nrog koj tus kws kho mob los sis kws tu neeg mob.
- ◆ Rau lus qhia ntxiv, mus saib DHS Immunizations (Kev Txhaj Tshuaj Tiv Thaiiv Kab Mob): Childhood and Adolescent Vaccine Information (Cov Ntaub Ntawv Txhaj Tshuaj Tiv Thaiiv Me Nyuam Yaus thiab Cov Tub Ntxhais Hluas) nplooj vev xaib qhia txog. <https://www.dhs.wisconsin.gov/immunization/childhood.htm>.

Kuv yuav tau txais kev pab them cov tshuaj txhaj tiv thaiiv kab mob no li cas?

- ◆ Lub Khoos Kas Vaccines for Children (Cov Tshuaj Txhaj Tiv Thaiiv Kab Mob Rau Cov Me Nyuam Yaus, VFC) rau cov me nyuam hnub nyooog 18 xyoo thiab me dua ntawd, tus uas tsis muaj kev tuav pov hwm, muaj cai rau-Medicaid (los sis Badger Care), Neeg Mes Kas Is Dias los sis Neeg As Lav Xab Kas Qhab.
- ◆ Mus saib lub DHS VFC nplooj vev xaib. <https://www.dhs.wisconsin.gov/immunization/vfc-parent.htm>.

